

RESOLUCIÓN REITORAL DO 6 DE SETEMBRO DE 2021, POLA QUE SE ADOPTAN AS MEDIDAS PROPOSTAS POLO COMITÉ DE ASESORAMENTO SOBRE A COVID-19 RESPECTO AO PERSOAL VULNERABLE.

O Presidente do Comité de asesoramento sobre a COVID-19, tras a reunión do pasado día 1 de setembro, tendo en conta a cobertura de vacinación e a situación epidemiolóxica actual, e seguindo os criterios do Ministerio de Sanidade establecidos no Procedemento de actuación para os Servizos de prevención de riscos laborais fronte á exposición ao SARS-Cov-2 do 16 de xullo de 2021, propón o retorno á presencialidade do persoal vulnerable.

Tendo en conta esta proposta, esta Reitoría,

RESOLVE

O persoal da Universidade de Vigo especialmente vulnerable en relación coa infección por SARS-CoV-2 que está a desenvolver a súa actividade de xeito non presencial e que teña a pauta completa de vacinación terá que volver a desenvolver o seu traballo de xeito presencial a partir do día 13 de setembro de 2021, a excepción do persoal especialmente vulnerable, que se atopa nalgunha das situacións que se detallan a continuación:

1.1 Persoal que non teña a pauta de vacinación completa.

1.2 Persoal en situación de inmunodeficiencia ou tratamento activo contra o cancro (teña ou non a pauta de vacinación completa).

Nestes casos, o persoal deberá poñerse en contacto co servizo de vixilancia da saúde antes das 12h do día 10 de setembro de 2021 mediante correo electrónico (smuvigo@cualtis.com) proporcionando os seus datos (nome, apelidos e teléfono de contacto) e información médica actualizada da súa patoloxía, para que se poida actualizar a vulnerabilidade de xeito individual e propoñer ou non o retorno ao traballo presencial.

Contra a presente resolución pode interpoñerse recurso contencioso-administrativo no prazo de dous meses contados a partir do día seguinte á recepción da súa notificación ante o Xulgado do contencioso-administrativo de Vigo, de conformidade co disposto no artigo 46 da Lei 29/1998, da Xurisdición Contencioso-Administrativa. Non obstante, previamente poderá interpoñerse recurso potestativo de reposición, no

prazo dun mes contado a partir do día seguinte á recepción da notificación da mesma resolución, perante o mesmo órgano que a ditou. Neste último caso non se poderá interpoñer recurso contencioso-administrativo ata que a reposición sexa resolta expresamente ou se producise silencio administrativo, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Vigo, 6 de setembro de 2021

O Reitor da Universidade de Vigo
Manuel Joaquín Reigosa Roger

(documento asinado dixitalmente)